

Tuesday, July 8, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

CHIEF MINISTER

New Delhi-a cham mek Chief Minister Pu Lalduhoma chuan nimin tlai khan Union Home Minister Amit Shah chu a pisaah hmuin hmasawna hrang hrang an sawi dun.

An inkawmnaah hian Handholding Scheme, Thenzawl Peace City leh project lian danga Mizoram sum a mamawh te an sawi dun a. Home Minister chuan Parliament Session lo awm leh turah an ngaihtuah tur thu lo hrilhin; Union Finance Minister, Union Home Minister leh Chief Minister te nena sawi tlâng a, tihhlawhtlin dan kawng dap ni se, an ti a ni.

Union Home Minister hian The Mizoram (Maintenance of Household Registers) Bill 2019, President hnena la tang mek chu President pawmpuina hmuh a nih vat theihna tura a lo bawhzui tur thu te, AAI hnena Lengpui Airport hlan chungchang pawh Union Cabinet in an lo ngaihtuah tur thu alo hrilh a, Mizoramah helicopter lian zawk leh mi phur tam thei zawk dah tura Chief Minister ngenna chu a lo bawhzui tur thu leh Lengpui Airport a CISF duty te tihchangtlunna tur Police Modernisation Scheme hnuai fund dilnate pawh enzui a lo tiam a ni.

Chief Minister hian Union Minister of State for Fisheries, Animal Husbandry and Dairying George Kurian pawh hmu in sangha khawi leh ranvulh kawnga hmasawna tur Mizoram project a thehluh hrang hrang te an sawidun a, Pradhan Mantri Matsya Sampada Yojana (PMMSY) hnuai proposal panga Mizoram a thehluh tawh chu a ranglama pawmpui tur leh sanction thuai turin a ngen a, Union Minister of State hian heng project te hi a lo enzui a, a lo bawhzui tur thu Chief Minister hi a lo hrilh a ni.



HOME MINISTER PRESS CONFERENCE

Home Minister Pu K. Sapdanga'n tunhnaia larsapin Chakma Autonomous District Council Governor Rule-a a dah chu Council of Minister ngaihdan lo anga tih a nih thu a sawi.

Wawiina Secretariat Conference Hall, MINECO, Aizawla chanchinbumite a kawmnaah he thu hi sawiin Home Minister chuan nimina Chakma Autonomous District Council Governor rules hnuai dah chungchangah mipuite tana thil ngaihsual palh theih a awma hriat a vangin, thil awmdan sawifiah sorkarin tul a tih thu a sawi a. Chakma Autonomous District Council-ah elected member 20 an awm thu leh heng zinga member 16 chuan tun hnaiah ZPM party an zawm thu a sawi a. Heng MDC 16 hian ZPM Legislature party insiamin, CADC sorkar an siam thei a ni tih thla hmasa Ni 16 khan an lantir tih a sawi a. Heng MDC 16-te hi Aizawlah lo

pheiin Governor hmaah thla hmasa ni 18 khan an inlan thu leh MADC-ah ZPM Council sorkar an siam theih thu thlenun siamtir turin an dil nghal thu a sawi a.

Hei hi Chief Minister Pu Lalduhoma pawhin Larsap hnenah, member 16 nei ZPM Legislature Party chu CADC-ah sorkar siamtir mai tha a tih thu a lo thlen tawh tih sawiin Home Minister chuan Larsapin Council of Ministers ngaihndan ziaka thlen tura a phut angin Council of Ministers chuan lungrual takin sorkarna siam thei an awm chuan Council thiah chu tha a tih loh thu leh, member 16 nei ZPM MDC-te chu CADC-ah sorkarna siamtir mai turin, tun thla ni 5 khan Larsap hnenah ziakin Council of Ministers ngaihndan thlen a nih thu a sawi a. Larsapin Council of Minister ngaihndan ziaka thlen tura a dil hnuah, Council of Ministers ngaihndan ni lo zawnga thutlukna a siam leh ta tho si chu vanduaithlak an tih tak zet thu leh, Democracy zahawmna tihmelhem thei ni hiala an hriat thu a sawi a. Hei vang hian Larsap in CADC a thiahna chu sut leh ni se tih chu Council of Minister ngaihndan a nih thu a sawi a ni.

Byte of Home Minister....

Home Minister tawiawmtu District Council & Minority Affairs Minister Pu C. Lalsawivunga pawhin chanchinbumite zawhna chhangin Autonomous District Council -ah Anti Defection Law a awmluh avangin nihna inchuh avangin sorkar a nghelngheh theih loh thu a sawi a. Hei hi Chief Minister pawhin a lo sawi tawh angin 125th Ammendment ah Anti Defection Law chu sorkarin an rawt ve thu a sawi a ni.



WEATHER

India Meteorological Department, Aizawl Director Pu Sudheer Kumar Dwivedi chuan vawiinah Mizoramah ruah tam tak a sur beisei anih thu a sawi.

Akashvani zawhna chhangin Pu Sudheer Kumar Dwivedi chuan ruah tam tam tak sur beisei ani tih sawiin Mizoram hmar lamah phei chuan a tam zual dawn a ti a. District zingah Aizawl, Kolasib, Saitual, Champhai leh Mamit-ah ruah a tam theih thu sawiin a bak zawngah chuan ruah a sur tho an beisei nain a tam vak loh hmel tih a sawi a ni.

Pu Sudheer Kumar Dwivedi chuan Mipuite chhiatna thleng thei laka an him theih nan fimkhur turin a chah a, hetihruah hian ruah sur chu chhiatna liantham thlen lo tura an beisei thu a sawi a. Khawcheng mek chu vawiin chauh a awm an beisei thu leh a chhonzawm pawhin naktukah reilote a sur leh dawna an chhut thu a sawi a ni.



CENTRAL YMA CADS 2ND BATCH

Nimin khan Central YMA hnuai ruiahlo do pawl, Central Anti Drugs Squad (CADS) Batch hnihna chu Central YMA Hall-ah ruiahlo do hna kal pui tan turin lakluh an ni.

Lakluhnaah hian Central YMA President Pu Lalhmachhuana chuan CADS membrete chu rinawm tak leh ram leh hnam chhan duhna tak tak pu chung ruiahlo do hna kal pui turin a chah a. Ruiahlo do chu ngaia nei mai lova tha thar leh inpekna thar nena kal pui a tul thu a sawi a ni.

CADS 2nd Batch ah hian Aizawl khawpui chhunga Branch YMA hrang hrang atanga aiawh te member atan ruat an ni a, membet 42 an awm dawn a ni.



PM MODI

Prime Minister Narendra Modi chuan ram hrang hrang a tlawh hnuah naktuk hian Namibia-a Windhoek a thleng dawn a, Hei hi Pu Modi a'n Namibia a tlawh hmasak ber na tur leh India ram atanga Prime Minister in Namibia ram an tlawh vawi 3-na tur a ni ang.

India leh Namibia te hian thawhdunna zau zawk siam an tum dawn a, kawng hrang hrangin ram 2 te tan a hmasawna tur an sawi dun dawn a ni.

